

明倫彙編



明會要卷四十六

永新龍

文彬纂

職官十七

考課

考滿考察二者相輔而行考滿論一身所歷之俸其目有三曰稱職曰平常曰不稱職為上中下三等考察通天下內外官計之其目有八曰貪曰酷曰浮躁曰不及曰老曰病曰罷曰不謹考滿之法三年給由曰初考六年曰再考九年曰通考依職掌事例考覈升降諸部寺所屬初止署職必考滿始實授外官率遞考以待覈雜考或一二年或

明會要卷四十六

一

三年九年郡縣之繁簡或不相當則互換其官謂之調繁調簡選舉志

天順八年奏准本部都察院會同內閣考察在京五品以下文職并在外布按二司官有不公者許令科道官指實劾奏南京各衙門照例考察有不公者令南京科道劾奏隆慶二年議准三六九年考滿官到部仍照舊例分別三等不得概考稱職其平常與不稱職各官或量行別處或請旨罷黜

萬曆十三年題准京外官三六年考察之後不得妄行閔考

凡內外官遇該考察有央求勢要屬託者卽以不謹黜退
已上王
折通考

京官 京官考察以六年爲期亦分四等年老有疾者致
仕貪者爲民不謹者冠帶閒住浮躁淺露才力不及者降
一級調外任

定例試御史一年考覈實授試中書舍人三年考覈實授
主事署郎中員外郎六年考覈實授

凡一二品官考滿賜羊酒鈔錠尙書都御史六年考滿加
太子少保九年加太子太保吏部尙書有三年卽加太子
少保六年加太子太保者內閣三六九年考滿應升官秩

明會要卷四十六

二

取自上裁其一品九年考滿或賜宴或賜敕獎勵及誥命
廕子等項俱出特恩或奉旨查例議擬奏請已上王
折通考

京官考察以己亥年五品下考察其不職者降罰有差四
品上自陳去留取旨職官
志

洪武十六年京官考覈之制稍有裁酌俱由其長開具送
部覈考選舉
志

宣德五年令國子監九年考滿學行端慤者量加翰林史
職仍理監事正德中議准加俸王折
通考

正統元年奏准兩京各衙門屬官首領官從本衙門堂上
官考察如有不稱及老疾者吏部驗實具奏定奪會
典

是年命右都御史顧佐考察御史不稱者十五人奏請降黜顧佐

景泰三年奏准六部等衙門堂上官考察各屬主事等官才力不勝者降縣典史老疾者冠帶致仕

王圻通考

成化四年令京官五品以下吏部會同都察院及各堂上

掌印官公同考察

會典

兩京文職堂上官曾經科道糾劾及

年老不堪任事才德不稱職者各自陳致仕取自裁

十三年奏准南京各衙門屬官首領官三年九年考滿照例赴京聽引其六年考滿從南京吏部考覈具由題奏復

職免其赴京

已上王圻通考

明會宴卷四十六

三

宏治六年六月申嚴考察奏辨之例

大政記

八年四月甲寅諭吏部都察院人材進退考察務得實蹟

不可偏聽枉人

本紀

十年大計京官侍講學士楊守陞掌院事言臣與掌詹事

府學士王鏊俱當聽部考察但臣等各有屬員進與吏部

會考所屬則坐堂上退而聽考又當候階下我朝優假學

士慶成侍宴班四品上車駕臨雍坐彝倫堂內視三品此

故事也今四品不與考察則學士亦不應與詔可學士不

與考察自此始

楊守陞傳

十七年五月給事中許天錫言外官三年考察又有撫按

監臨科道糾劾其法已無可加惟兩京考察堂上官例不
考覈而五品以下雖有十年考察之條居官率限九載或
年勞轉遷或服除改補多不及期今請以六年爲期通行
考察其大僚曾經彈劾者悉令自陳而簡去之命從所請
天錫又以內官冗濫乞敕司禮監會內監考察嚴行澄汰
此後或三年五年一行帝善之而不能也許天錫傳

正德四年吏部侍郎張綵請不時考察京官從之本紀

嘉靖六年吏部郎中彭澤以考察浮躁降外任張璉爲之
訟冤言昔議禮時澤見臣所著大禮或問深加嘆賞勸臣
進呈又爲錄送內閣以是大不理於眾口上從璉言澤遂

明實錄卷四十六

得留通紀

是年京察拾遺桂萼爲御史所論乃上言楊廷和私黨猶
在言路昔憲宗初年命科道於拾遺後互相糾劾請舉行
如制吏部侍郎何孟春言憲宗無此詔萼被論圖報復不
可信帝終用萼言趣速舉孟春以御史儲良材等四人名
上帝獨黜良材而特旨斥鄭自璧等數人自璧素敢言權
倖側目或中以蜚語故被斥已而良材辨疏力詆廷和指
孟春爲奸黨萼卽奏復其官三編

十七年令停科道互糾仍聽部院從公考察會典

二十四年大計京官南兵科給事中王煜先曾劾嚴嵩奸

貪嵩嫉所私尙寶丞諸傑貽書南考功黜煜薛應旂執傑使欲奏聞尙書張潤止之而傑先爲南京御史有貪聲應旂亦黜之時常州守符驗先爲南京御史亦在所黜嵩又令所親御史桂榮劾應旂以私怨黜本郡守應旂遂補外三十年題准南京吏部都察院遇京官六年考察之期將應天府上元江甯二縣隨同南京官員考察

三十五年三月嚴世蕃欲排異己乃降中旨考察京官黜大臣十五人科道三十八人

四十二年議准中書係內閣廕官出身者九年考滿升禮部主事係監生儒生出身者升光祿寺署正均帶俸辦事

明會要卷四十六

五

已上王圻通考

隆慶四年二月高拱以私憾欲考科道趙貞吉上言陛下嚴論考覈言官並及升任在籍者應考近二百人其中豈無懷忠報主蹇諤敢言之士今一以放肆奸邪罪之竊恐所司奉行過當忠邪不分致塞言路沮士氣非國家福也上不從拱以貞吉得其情憾甚及考察拱欲去貞吉所厚者貞吉亦持拱所厚以解於是斥者二十七人而拱所惡者咸預拱猶以爲憾也

趙貞吉傳

神宗卽位考察京官從輔臣張居正之請也居正請大計廷臣藉以斥諸不職及附麗高拱者

通紀

祖制六年京察若執政有所驅除非時一舉謂之閏察王時

萬厯五年十一月以星變考察百官命四品以上京堂官

令自陳庶官聽部院考察時張居正以奪情知天下不附

己思以考察劫之趙志臬張位習孔教相繼遷謫南京僉

都御史張岳請令居正奔喪坐考察自陳貶秩禮部尙書

何維柏亦以自陳免

三編

二十一年大計京官吏部尙書孫鑑力杜請謁文選員外

郎呂允昌鑷甥也首斥之考功郎中趙南星亦自斥其姻

一時公論所不予者貶斥殆盡

孫鑑傳

明會要卷四十六

六

三十三年大計京官左都御史溫純與吏部侍郎楊時喬

主之大學士沈一貫所欲庇者鍾兆斗錢夢皋皆在謫中

一貫怒言於帝降旨切責純察疏亦不下盡留被察科道

官純力求去是時京察章疏一貫請留中主事劉元珍龐

時雍御史朱吾弼等力爭之謂二百年來計典疏無留中

時南京察疏亦留中後迫眾議始下

三十九年大計京官時廷臣黨勢日盛攻東林者設詞以

惑吏部尙書孫丕揚令發單咨是非將陰爲鉤黨計侍郎

王圖急言於丕揚止之及注考丕揚與侍郎蕭雲舉副都

御史許宏綱領其事考功郎王宗賢都給事中曹于汴御

史湯北京喬允升佐之五月察疏下諸失意者相繼攻丕揚及圖圖丕揚遂引去初嘉隆以前士大夫廉恥自重以挂察典爲終身之玷及帝之世閣臣有所徇庇間留一二以撓部權而羣臣水火之爭莫甚於是年及丁巳黨局旣成互相報復至國亡乃已

已上三編

外官 凡外官三年一朝朝以辰戌丑未年前期移撫按官各綜其屬三年內功過狀註考彙送覆覈以定黜陟倉場庫官一年考巡檢三年考教官九年考府州縣官之考以地之繁簡爲差

職官志

凡督撫官考滿三年六年滿日移咨到部具奏復職

王圻還考

明會要卷四十六

七

各布政使司首領官俱從按察司考覈其茶馬鹽運鹽課提舉司軍職首領官俱從布政司考覈仍送按察司覆考其布政司四品以上按察司鹽運司五品以上任滿黜陟取自上裁內外入流并雜職官九年任滿給由赴吏部考覈依例黜陟

洪武四年命工部尙書朱守仁廉察山東萊州諸郡官吏

已上選舉志

五年十二月敕中書省令有司考課必書學校農桑之績

明政統宗

六年命御史臺及各道按察使考察天下有司奏請黜陟

選舉志

九年莒州日照知縣馬亮考滿以長於督運山西汾州平遙主簿成樂能恢辦商稅皆注上考上曰令佐之職在撫安百姓豈以督趣恢辦為能耶官司之考非是命吏部移文訊責世法錄

十一年正月徵天下布政使及知府來朝命吏部課其殿最稱職無過者為上賜坐宴有過稱職者為中宴而不坐有過而不稱職者為下不預宴序立於門宴畢然後退朝覲考察自此始

十八年正月天下布按二司及府州縣朝覲官凡四千一

明會要卷四十六

八

百七十七人詔吏部考其政績稱職者升平常者復職不稱職者降貪污者付法司罪之闖茸者免為民已上昭代典則

永樂元年令府州縣官到任半年以上者巡按御史按察使察其能否廉貪實蹟具奏會典

段民為山東左參政既還敕與巡按御史考所過府縣廉墨吏以聞段民傳

南京刑部侍郎吾紳奉敕考察兩廣福建方面官有故人

官參政者黜之同上

仁宗即位遣御史湯漢等十四人分巡天下考察官吏世法錄

宣德元年四月丁卯以久旱考察布按二司及府州縣官

紀本

五年正月吏部考察天下朝覲官黜無能者五十五人罷

歸爲民貪污者二十五人發戍邊

昭代
典則

六年巡撫江西趙新奏今方面官雖出身不同皆由資格
升擢有臨政略無施設者有貪虐爲非者名與實異行與
言違近吏部勘合令其考察郡縣官吏已不能正焉能正
人是以好惡不公去取多謬乞令吏部先察布政司按察
司賢否賢者留否者黜然後可以責令考察帝是其言命
自今考察外官必自布按二司始

三編

明會要卷四十六

九

英宗卽位分遣大臣考察天下方面官吏

鄭辰
傳

正統十四年吏部言凡外官曾經撫按官保舉政績果有
卓異不拘三六年考滿先與應得誥敕旌異蓋九年封贈
所以待常流三六年先得旌異所以優異等第近年保舉
每病冗濫請今後撫按官薦舉所屬應旌異官員務將本
人任內卓異政績明白開奏通候各官考滿到部察訪相
同卽與比照京官事理按月類題免其再行移覈

通典

景泰元年詔遣大臣行天下黜陟有司禮部侍郎鄒幹至

山西黜布政使侯復以下五十餘人

朱鑑
傳

二年吏部都察院考察當黜退者七百三十餘人帝慮其

未當仍集諸大臣更考存留者三之一

選舉志

三年八月戊辰遣都御史洪英尙書孫原貞薛希連分行天下考察官吏

本紀

七年令巡撫巡按會同按察使考察府州縣其布按二司

官聽撫按考察

會典

天順四年正月朝覲官至京吏部都察院黜不職者數百人其賢能卓異者賜宴及衣幣遣之

同上

六年李侃巡撫山西考察屬吏奏罷布政使王允李正芳以下百六十人

李侃傳

成化五年大理寺評事申安言旌異之典朝廷所以激勸

明會要卷四十六

十

有司今撫按官於廉能者未必旌異旌異者未必廉能乞詔大臣議自今旌異必待三年考滿之後若所舉不公後以姦貪敗者連坐庶幾吏稱其職民安其業

通典

十一年吏部奏罷朝覲官布政使楊文琳按察使王琳以下一千三十一員

十四年吏部考察朝覲官奏免二千十六員浙江按察使劉鈺江西按察使趙致預焉時論惜之

已上憲章錄

十六年給事中王瑞等言湖廣江西撫按官以所部災傷盜起請免有司朝覲臣等以爲歲饑民困由有司不謹所致正當加罪乃爲請留正官旣留則人才進退何由審辨

是朝覲考察兩大典皆從此廢壞矣帝然其言卽令吏部

禁之

王瑞傳

故事考察自有四曰老疾曰罷輒曰貪酷曰不謹李裕爲吏部尙書言人才質不同偏執類酷遲鈍類輒乞立才力不及一途以寓愛惜人才之意帝善之遂著爲令

李裕傳

宏治三年王恕以考課之法廢格不行甚非政體請今後考滿官俱令給由赴部照例考覈及王瓊爲吏部尙書乃言四方之遠一官赴京考滿往回勞費且誤公務許本處巡撫巡按開報考語令就任復職待朝覲定黜陟於是成法盡壞而政體日偷

續通典

明實錄卷四十六

十一

六年考察當罷者共一千四百員又雜職一千一百三十五員帝諭方面知府必指實蹟毋虛文泛言以致枉人府州以下任未三年者亦通覈具奏尙書王恕等具陳以請而以府州縣官貪鄙殃民者雖年淺不可不黜帝終謂人才難得降諭諄諄多所原宥當黜而留者九十餘員

選舉志

正德十四年令考察存留官員內有才行兼優守己廉潔

者行各撫按官備綵幣羊酒齎賜仍不次擢用

會典

嘉靖二年題准方面知府正官考才力不及者照京官不及降調例不許止議調簡

六年令朝覲考退官員果有執法被誣奪職許大臣言官

卽時論辨吏部查訪可否具奏定奪

已上王折通考

二十一年正月甲寅詔各撫按等官通將所屬官員課第殿最彙進揭帖封送吏部以備朝覲考察之黜陟著爲令

實錄

萬曆二十三年吏部尙書孫丕揚掌外察黜浙江參政丁此呂此呂故與右都御史沈思孝善思孝謂此呂建言有功不宜被察丕揚謂此呂受賊有狀豈宜以建言輕恕因上此呂訪單訪單者吏部當察時咨公論以定賢否者也上遂逮此呂詰讓思孝

通紀

戒救官吏

明皇卷四十六

七

洪武元年正月辛丑天下府州縣官來朝諭曰天下新定百姓財力俱困如初飛之鳥不可拔其羽新植之木不可搖其根惟廉者能約己而愛人貪者必朘人以肥己爾等戒之

十年十一月新除有司官太祖諭之曰近者天下有司奏缺官朝廷以時選補比除有司未久又復奏缺是何犯罪罷黜者之眾也若移其作奸之心以爲善何事不成國家俸祿如井泉汲而不竭彼不思守法以保之雖積錢充屋一旦事覺皆非己有今汝等之官宜鑒彼前非勉於爲善

則永安祿位矣

已上大訓記

十三年七月諭戒守令曰曩因奸臣弄權內外官吏貪賊蠹政以干邦憲邇來有司皆出編氓深知稼穡艱難民生疾苦是用授以職任當竭誠報效毋蹈前非其有舊任來

代者若仍肆意妄行則國有常憲

明政統宗

十九年吏部奏用國子監十四人皆爲六品以下官太祖諭之曰事君之道惟盡忠不欺治民之道惟至公無蔽蓋一郡一邑之民必有饑寒不得其所者有獄訟冤抑者有賢才不舉者有豪猾蠹民者汝等到任能不爲私欲所蔽人言所惑則方寸自明而諸弊可息

永樂元年九月丙子朔諭中外羣臣曰爲治之道在寬猛

適中我皇考撥亂反正不得已而用刑特權一時之宜及立爲典常既有定律頒之天下而墨劓荆宮並禁不用朕纘承大統以忠厚爲治爾等各恭乃職勿爲朋比勿事貪黷勿恣情縱欲以干匪彝至於用刑必欽必慎期於刑措用臻康理

閏十一月庚申諭都御史陳瑛等曰閩河南數歲蝗旱水災爲民患牧民者多失撫字甚者又侵漁剝削之而按察司官未嘗有一人言者坐視民病而不留意爾移檄切責之俾采察所部軍民利病及布政司府州縣官賢否以聞二年正月己亥六部都察院數奏朝覲官治事稽違者請

治其罪上召至前諭之曰爾等分理庶政勒慎則百事舉
怠忽則百事廢今諸司論爾等職事稽誤皆由怠忽之過
夫慢令棄法國有顯罰今姑宥爾其歸改過自新若仍蹈
前非朕不能曲法以貸

七年正月丙午諭天下朝覲官曰比者營建北京不得已
勞動居民爾等宜加撫恤無爲貪酷以重困之夫文官之
祿出於民武官之功因於軍能推仁恤之心蓋亦報勞之
意苟不知報或又從而侵之非惟國法不容鬼神猶將禍
焉爾等戒之

四月壬辰敕鎮守貴州鎮遠侯顧成曰蠻夷仇殺自昔而

明會要卷四十六

十四

然必務殺之非柔遠之道雖有獷悍難化然鳥獸之性亦
有可馴蓋天道好生人情惡死體天之道念人之情則中
心惻隱自有不能已者卿其慎之

十年十一月諭各布政司按察司官曰佐方岳任風紀皆
要職當慎操履務長厚戒刻剝上不損國體下有利於民
庶幾不負所命

是年遣監察御史吳文等分行天下詢察吏治得失民間
疾苦諭之曰百姓艱難有司蔽不以聞爾等受朕耳目之
寄宜悉心諮訪凡朝廷所差人及郡縣官有貪刻不律者
執之聞茸不職及老病者悉送京師惟布政司按察司堂

上官以狀來聞毋枉毋縱必合公道軍民利病宜一一奏

陳汝不恭命汝則有罪

已上世法錄

十六年七月己巳敕責陝西諸司比聞所屬歲屢不登致民流孳有司坐視不恤又不以聞其咎安在其速發倉儲

振之

本紀

十九年遣蹇義等二十六人巡行天下安撫軍民敕曰今命爾等分厯郡縣撫安軍民詢察所苦興利除害旌廉黜貪致民安於田里而無饑寒愁嘆之聲則予汝嘉如又徇私蔽公不辨淑慝不察是非軍民休戚不以究心將爾之罪亦不可道

明會要卷四十六

五

仁宗卽位諭羣臣曰朕承大統君臨億兆亦惟賴文武賢臣共圖康濟矧屬亮陰之際尤切倚毗之心嗣位初首詔直言而涉月累旬言者無幾夫京師首善地民困於下而不得聞弊膠於習而不知革卿等毋以直言而慮後譴必有嘉謀嘉猷輔朕不逮

洪熙元年三月丁丑敕曰朕卽位以來臣民上章以數百計未嘗不欣然聽納間者弋謙所言多非實事羣臣交章奏其賣直請置諸法朕但免謙朝參自是言者益少去冬無雪春亦少雨陰陽愆伏必有其咎豈無可言而爲臣者懷自全計退而默默何以爲忠朕於謙一時不能含容未

嘗不自愧咎爾羣臣勿以前事爲戒於國家利弊政令未當者直言勿諱

宣德二年六月諭侍臣曰南北二京相去數千里常慮驛使往來或有暴擾或水旱災傷疾疫皆朕所欲聞者朝臣往還御史巡歷皆不以告故遣王彰巡視乃所言不切大體大臣如此予復何望爾等朝夕左右凡所見聞當詳陳毋隱

八月甲戌上諭諸司曰朝廷治天下以信爲本朕每下一詔令必須度可行可守而後發有司沮格致朝廷失信於民不忠孰大焉其嚴禁之有沮格者治以罪

明會要卷四十六

夫

四年三月己巳諭六部都察院自今當洗心悔過不許差人假公營私擾吾良民違者罪之仍令巡按御史及按察司察舉不察舉者罪同

已上大記

七年三月辛酉諭禮部曰朕以官田賦重十減其三乃聞異時蠲租詔下戶部皆不行甚者戒約有司不得以詔書爲辭是廢格詔令使澤不下究也自今令在必行毋有所

過

本紀

六月丙辰御製官箴以戒百官諭曰朕撫綏兆民實賴中外文武羣臣同心同力興起治功遠臣旣不得數見而人論之近臣朝夕相接亦不能數以言諭因取古人箴傲之

義凡中外諸司各著一篇使揭之廳事朝夕省覽庶幾有裨然古之君臣有交儆之道凡在位之君子有以嘉謨告朕者尤朕所樂聞也箴凡三十五篇

大訓記

成化二十二年六月乙亥敕羣臣脩舉職業

神宗卽位詔羣臣曰近歲以來士習澆漓官方刻儆詆老成爲無用矜便佞爲有才遂使朝廷威福之柄徒爲人臣報復之資用是薄示懲戒餘皆曲貸諸臣宜被除前愆共維新政若溺於故習背公徇私獲罪祖宗朕不敢赦

萬曆十三年四月戊午詢大學士等曰天旱雖由朕不德亦天下有司貪婪剝害小民以致上干天和今後宜慎選

明會要卷四十六

七

有司

二十一年八月丙戌以災異敕戒內外諸臣脩舉實政

本紀

二十二年詔曰前歲各省災傷山東河南及徐淮爲尤甚有司不講求荒政牧養小民惟以搏擊風力爲聲名交際趨承爲職業遇有盜賊互相隱匿或故意徇縱以求免地方失事之名而各撫按官亦止知請賑請蠲不能汰一苛更革一弊政上下相蒙釀成盜賊之禍朕甚憂之自今當以安民輯盜爲有司之黜陟如有仍前欺隱及玩視詔令者重治不宥

通紀

三十八年四月辛卯以旱災異常諭羣臣各脩職業勿彼此攻訐本紀

四十一年五月己巳諭吏部都察院曰年來議論混淆朝廷優容不問遂益妄言排陷致大臣疑畏皆欲求去甚傷國體自今仍有結黨亂政顛倒是非誣詆要譽者罪不宥

三編

懲貪吏

洪武四年十一月庚申命官吏犯贓者罪勿貸本紀

十八年詔盡逮天下積歲官吏為民害者赴京師築城孝義

朱煦傳

明宴卷四十六

六

明祖嚴於吏治凡守令貪酷者許民赴京陳訴贓至六十兩以上者梟首示眾仍剝皮實草公座旁各懸一剝皮實

草之袋使之觸目警心草木子按後海瑞疏亦舉太祖剝皮囊及洪武中所定枉法贓八十貫論絞之律以規切時政見瑞傳

二十五年八月頒醒貪錄於內外諸司大政記

永樂七年御史上言今貪吏虐民無如易州同知張騰立

徵下獄循吏史誠祖傳

十三年七月敕諭內外諸司曰近如灤州不才官吏借官

辦為名色以一科百所得贓物各分入己民受毒害已凌

遲籍沒今後諸司官吏有仍前貪污害民者必殺無赦昭代

十六年十二月諭法司曰唐太宗惡官吏貪濁犯賊必置於法故吏尚清謹民免培克貞觀所以為盛朕屢敕中外諸司不許妄役一夫擅斂一財而官吏恣肆自若百姓苦之夫良農必去稂莠者為害苗也繼今犯賊必論如法編三宣宗即位罷浙江布政使參議王和袁昱陝西按察司僉事韓善為民和等坐賊遇赦吏部奏擬還職上曰士大夫首重廉恥貪污之吏豈可復任方面大訓記

宣德二年正月庚午上諭羣臣曰前日御史奏通政秦川往湖廣督賦受贓川大臣何得全無知識漢大司農田延

明叢卷四十六

九

年貪求贓賄一旦敗露自殺命重而財輕乃以至重博至輕況贓物法當入官於己何益今至此罪豈可容凡在官者當以為戒同上

四年六月甲午吏部奏文職有贓罪納米者請降一級用上曰納米乃一時之權宜懲貪為立國之大法自今官吏犯贓者罷納贖例仍依律治之編三

七月甲子御史沈閏受土豪金出其殺人死罪事覺法司奏律應絞但事在赦前予杖上曰御史朝廷耳目受重賂

縱死罪法豈可貸其免杖發戍遼東邊衛大訓記

五年五月癸卯追奪賊吏誥敕著為令本紀

七年楊士奇請命風憲官考察奏罷有司之貪汚者帝曰然向使不罷劉觀風憲安得肅劉觀傳

隆慶二年正月上覽直隸巡按顧廷對奏曰貪官止於罷

黜不足示懲今次考察諸司賊多跡著者部院列其罪狀

奏請處治王圻通考

明會要卷四十六

三



四年

上曰

奏請

罷不

劉觀

然向

少平 謝志 四十六終

選舉一

科目

洪武三年詔開科舉以今年八月爲始使中外文武皆由科舉而進於是京師行省各舉鄉試初場試經義二道四書義一道二場論一道三場策一道中式後十日復以騎射書算律五事試之

王圻通考

四年正月詔各行省連試三年且以官多缺員舉人俱免會試赴京聽選

同上

明會要卷四十七

一

二月始開會試科取中一百二十人三月乙酉朔策試天下貢士帝親製策問試於奉天殿賜吳伯宗郭翀吳公達俱及第張挂黃榜奉天殿宣諭賜宴中書省授伯宗爲禮部員外郎餘及第出身授主事同出身授縣丞會元俞友仁亦授縣丞一甲三人不授翰林蓋官制未定也

六年二月諭中書省臣有司所取多後生少年能以所學措諸行事者甚寡非朕責實求賢之意各處宜暫停科舉別令有司察舉賢才以德行爲本文藝次之

已上俞山集

十五年八月復行科舉三年一行爲定制

三編

文彬按科舉之法歷代屢變至明則兼用之始以經義

繼以論表終以策問是欲併理學經濟文章而備求之
一人古者取賢斂材之道豈如是也唯求之愈備下之
所以應之者愈苟無怪展轉相蒙不能得眞士之用太
祖因科舉取士皆虛浮失實六年詔罷至十五年復行
使於此更定法制標其目而分試之習經義者三場專
試經義習論習策者亦然俾自幼至壯得各致力於一
途積歲累月造就必有可觀何至盡歸於空疏而無用
王文恪嘗欲於進士外別立一科必兼通諸經博洽子
史詞賦乃得與有官無官皆得應之其意急思挽積虛
之弊卒付之空談而不行世謂明初之所以得人者由
於三途並用其後之所以漸衰者由於專重科目不知
科目何病惟有科而無目欲其儲才以備國家之用是
猶適燕而南轅耳

十七年頒科舉定式子午卯酉年鄉試辰戌丑未年會試
試各三場初場試四書義三道經義四道四書主朱子集
註易主程朱傳義書主蔡沈傳及古註疏詩主朱子集傳
春秋主左氏公羊穀梁胡安國張洽傳禮記主古註疏二
場試論一判五詔誥章表內科各一三場試經史策五應
鄉試者國子學生及府州縣學生之學成者儒士之未仕
者官之未入流者皆由有司申舉其罷閒官吏及倡優之

家與居父母喪者俱不准入試主考二人同考鄉試四人

會試八人

龔山集

十八年廷試擢一甲丁顯等爲脩撰二甲馬京等爲編脩吳文爲檢討其餘皆觀政於諸司其在翰林承敕監等衙門者曰庶吉士在六部都察院通政司大理寺等衙門者

仍稱進士

選舉志

三十年考官劉三吾白信蹈所取宋琮等五十二人皆南士三月廷試擢陳郊爲第一帝怒所取之偏命侍讀張信等十二人復閱郊亦與焉帝猶怒不已親自閱卷取任伯安等六十一人六月復廷試擢韓克忠第一皆北士同當

明龔卷四十七

三

時謂之南北榜又曰春夏榜云

劉三吾傳

永樂二年甲申禮部奏請會試選士之數上問洪武中所選幾何尙書李至剛對曰各科不同多者四百七十餘人少者三十人上曰朕初卽位取士姑準其多者後不爲例

王圻通考

是年廷試授一甲三名翰林脩撰編脩復命於第二甲擇文學優長楊相等五十一人及善書者湯流等十人俱改翰林院庶吉士於是庶吉士遂爲翰林之專官明年正月復命學士解縉等選才資英敏者就學文淵閣縉等選脩撰會聚編脩周述周孟簡庶吉士楊相等共二十八人庶

吉士周忱自陳少年願學帝喜命增爲二十九人

集

十年壬辰論考官楊士奇等曰數科取士頗多不免玉石雜進今取無過百人其務精擇收散木累百不若得良材

一株也

大訓記

十三年二月行在禮部會試天下貢士三月策士於北京

選庶吉士六十一人於國子監立題名石洪武二十一年

始立石於應天府大學至是皆在北京

通典

十四年命貴州士子附雲南鄉試

同上

洪熙元年仁宗與楊士奇等議分南北卷取士乃定鄉試

南直隸八十北直隸五十江西如之浙江福建各四十五

明實錄卷四十七

四

名湖廣廣東各四十名河南四川各三十名陝西山東山

西各三十名廣西二十名雲南交陞各十名貴州應舉者

就試湖廣並定會試取士額南人十六北人十四議定未

行會晏駕宣宗嗣位始奏行之

明政統宗

宣德五年帝臨軒發策畢退御武英殿謂翰林儒臣曰取

士不尚虛文有若劉蕡蘇轍輩直言抗論朕當顯庸之乃

賦策士歌以示讀卷官

明政統宗

選薩琦等八人爲庶吉士給

酒饌房舍月賜膏燭鈔一如永樂甲申例

八年命內閣禮部選進士尹昌等六人爲庶吉士賜第給

酒饌膏燭鈔又選乙榜龍文章謹等二十四人送國子監

賜冠帶給訓導俸至十一月復選進士徐瑛等十三人爲

庶吉士

已上
山集

正統元年丙辰增鄉試額南北直隸百名江西六十五名
他省仍自五而殺會試分南北中卷以百人爲率南取五
十五名北取三十五名中取十名

明政
統宗

三年八月辛酉順天貢院火號舍多焚試卷亦殘缺有司
懼罪不敢言更試惟請葺號舍終事考官曾鶴齡曰必更
試然後昭至公禮部具二議進詔下如鶴齡言

景泰二年辛未會試禮部奉初詔遵永樂間例不限額不
分地給事中李侃爭之言部臣欲專以文詞多取南人刑

明會要卷四十七

五

部侍郎羅綺亦以爲言下禮部覆奏言臣等所奉詔書非
私請也且鄉舉里選之法旣不可行取士若不以文考官
將何所據上命遵詔書不從侃議

已上
山集

是年五月始命科場官親屬迴避從給事中金達奏也

大政

四年給事中徐廷章請仍依正統間額從之五年會試禮
部奏請裁定於是復分南北中卷南卷應天及蘇松諸府

浙江江西福建湖廣廣東北卷順天山東河南山西陝西
中卷四川廣西雲南貴州及鳳陽廬州二府滁徐和三州

遂著爲令

初制兩京鄉試主考皆用翰林同考用教職而各省考官先期於儒官儒士內聘明經公正者爲之故有不在朝列累秉文衡者景泰三年令布按二司同巡按御史推舉見任教官年五十以下三十以上文學廉謹者聘充考官於是教官主試遂爲定制初制會試同考八人三人用翰林五人用教職景泰五年從禮部胡濙請俱用翰林部曹其後房考漸增至正德六年命用十七人翰林十一人科部各三人

已上選舉志

天順二年令兩京天文生陰陽生及官生子弟許就在京

鄉試

王圻考

明會要卷四十七

六

七年癸未會試日場屋火焚死者九十餘人俱贈進士出身改期八月會試明年三月廷試時英宗已崩憲宗以大喪未踰歲御西角門策之

成化十五年十二月御史許進言各布政司鄉試考官有司徇私聘取或非其人監臨官又往往侵奪其職掌請視兩京例特命翰林主考帝諭禮部嚴飭私弊而不從進請二十二年萬安當國周洪謨爲禮部尙書皆四川人乃因布政使潘楨之請南北各減二名以益於中宏治二年復舊嗣後相沿不改

已上選舉志

宏治十四年掌國子監謝鐸言考官皆御史方面所辟召

職分既卑聽其指使以外簾官豫定去取名爲防閑實則
關節而科舉之法壞矣乞敕兩京大臣各舉部屬等官素
有文望者每省差二員主考庶幾前弊可革時未能從山
集

正德三年給事中趙鐸承劉瑾指請廣河南陝西山東山
西鄉試之額乃增陝西爲百河南九十五山東山西俱九
十而以會試分南北中卷爲不均乃增四川額十名並入
南卷其餘並入北卷南北均取一百五十名蓋瑾陝西人
閣臣焦芳河南人票旨相附和各徇其私瑾芳敗旋復其
舊選舉
志

明會要卷四十七

七

嘉靖六年令歲貢教官得與鄉試

七年用大學士張璉言各省主試宜遣京官或進士每省

二人往典試事其兩京亦用科甲出身官分考

已上王
圻通考

二十五年從給事中萬虞愷言各省鄉試請聘教官不足

則聘外省推官知縣益之

選舉
志

會試原無按檢官嘉靖己未御史建言欲厲其禁尙書吳

山持不可隆慶二年復有言者始設

御史聞人銓言今時文體詭異已極乞申飭天下力崇古
樸其要在先責督學憲臣次責場屋考校等官得旨自後
遇鄉試禮部必磨勘試錄有仍前離經畔道詭辭邪說者

則治監察考校官之罪黜其中式者爲民

四十三年閏二月從南京御史奏兩京主考迴避本省政
記如資序挨及南人用北北人用南以別嫌疑同考用京
官進士易詩書各二人春秋禮記各一人其餘乃參用教
官給事中胡叔廉鄭大同建言科場事宜謂監試御史不
過防範於外故內簾之弊無從糾察而散卷等官始得以
徇私今內簾宜設監察一員

已上春明
夢餘錄

四十四年命御史李邦珍等場外搜檢詔申嚴懷挾傳遞
之禁提學御史耿定向奏兩京各省鄉試揭曉之日以中
式舉人硃墨卷發提學官查驗鈐封送京府各布政司解

明會要卷四十七

八

部以防僞濫又革去兩京應試監生字號與生員一體彌
封取中御史陳聯芳言宜重後場以羅實學兩京同考閱
卷不必書各房字樣主考止以文字去取毋以考官爲額
數分房爲次第禮部議覆從之

明臣
奏議

隆慶元年丁卯兩京鄉試監生卷各革去皿字號於是南
監中式僅數人虧舊額四分之三揭曉後考官王希烈等
至國學謁文廟監生數百人誼諫門外伺希烈等出遮訴
語甚不遜巡城御史操江都御史使人呵止之久之方解
事聞詔南京法司逮治爲首者數人發遣監生編號如舊

萬曆四年丙子復議兩京同考教官衰老者遣回北京取足於觀政進士候補甲科南京於附近推官知縣取用

選志

先是二年甲戌張居正子敬脩會試不第居正不悅因停是科館選六年丁丑子嗣脩以一甲第二人及第八年子懋脩以一甲第一人及第次輔呂調陽張四維申時行之子亦皆先後成進士御史魏允貞疏陳時弊請自今輔臣子弟中式俟致政之後始許廷對帝爲謫允貞於外

弁山集

明會要卷四十七

九

廷臣由是浙江江西福建湖廣皆用編脩檢討他省用科部官而同考亦多用甲科教職僅取一二而已

選舉志

十三年禮部奏近因科場作弊科臣萬象春張維新建議覆試請勅下本部關防揆檢一切如故荒謬者斥落爲民

弁山集

天啟間張鳳翼言會試期太祖定於二月蓋謂金陵南北之中地在大江之南得春爲先故定於二月取春之中今建都北京遠三千里宜移在三月

春明夢餘錄

會試額數洪永多至四百七十餘人少則三十人宣宗定直省試額百南十六北十四正統七年加爲一百五十八

景泰五年三百五十人宏治十五年加至四百人嘉靖隆慶以首科皆四百人萬厯二年張居正題定三百人至後如萬厯癸丑崇禎辛未皆四百人同上

崇禎七年甲戌舉人顏茂猷文兼五經作二十三藝知貢舉林鈺以聞詔送內簾既中副榜命特賜進士以其文刻於試錄第一名之前選舉志

宗科

舊制宗室無就試者萬厯二十三年鄭世子載堉請宗室得儒服試視才器使始詔奉國中尉以下入試輔國以上爵尊不得與繼而禮臣言封爵科目原自兩途彼既願從

明會要卷四十七

十

科目入仕應照士子出身資格銓除從之惟不得除京朝官然制屢定未能行三編

天啟二年始開宗科朱慎鑿成進士主考何宗彥朱國祚請卽授中書舍人

崇禎四年朱統錦成進士初選庶吉士吏部以宗室不宜官禁近請改中書舍人統錦疏爭命仍授庶吉士已上選舉志

武科目

洪武二十年七月禮部請立武學並令武臣子弟於各直省應試三歲武舉六歲會舉春明夢餘錄

天順八年十月甲辰立武舉法自洪武二十年令武臣子

弟得於各直省應試尋罷不行至是復命直省諸武藝人
兵部同總兵官考校其弓馬策略分別甲乙以備錄用指
揮以下子弟悉令入學又定試武舉式騎中四矢步中二
矢以上者爲中式騎步所中半者次之帥府試策略教場
試弓馬問策二道大略如文闈之式

通紀

是年於武舉分爲二等上者加署職二級次者加署職一
級旗舍餘丁上者授所鎮撫次者授冠帶總旗民生上者
授各衛試經歷次者授各衛知事後絕無授經歷知事者
春明夢
餘錄

明會要卷四十七

十一

成化十四年汪直奏武舉設科鄉會殿試如文科例吳綬
爲撰草奏上上令兵部移文天下教養數年俟有成效巡
按提學等官具奏處置

昭代
典則

宏治六年定武舉六歲一行先策略後弓馬策不中者不
許騎射

選舉
志

十七年尙書劉大夏奏武舉之設將以延攬英雄廣儲將
帥特法制未備禮義未隆上未足以協旁求之心下不足
以副登進之望茲當武舉再開之時欲仿唐宋故事參酌
會殿二試事例少加損益每遇文舉鄉試之年將武舉豫
期行移兩京各省如有講究韜略精通武藝者許赴所在
官司投報禮送兵部請於次年開科初較騎射二較步射

三試策論優者列職論官以示崇異疏入帝從之改定三年一試出榜賜宴

明臣奏錄

正德二年四月開武舉宴於中府武舉賜宴之始

大政記

十四年定初場試馬上箭以三十五步爲則二場試步下

箭以八十步爲則三場試策一道

選舉志

嘉靖元年七月定武舉中式騎射四矢以上步射二矢以

上不分等第陞署職二級

大政記

十九年罷武舉鄉試

二十年復設武舉分別邊方腹裏照會試南北卷例如每

科五十名邊方三十腹裏二十

已上昭代典則

明會要卷四十七

十一

天啟二年給事中甄淑疏言武舉中式一百六十人以本等巾服謝恩職方司會同科道查明年貌勇力技藝才德注本人名下十月上旬過堂令各陳所能先期演試卽於是月望日皇上臨軒策問閣臣與兵部尙書侍班皇上欽定一甲三名授都司僉事二甲三十名授守備三甲百餘名以次各授出身職方司遇缺便補定限三年內選完從

之春明夢餘錄

崇禎四年武會試時帝銳意重武舉子運百斤大刀者止

王來聘及徐彥琦二人而彥琦不與選帝下考官及監視

御史獄悉貶兵部郎二十二入遣詞臣倪元璐等覆閱取

百人視文榜例分三甲傳臚錫宴以前三十卷進呈欽定
一甲三人來聘居首卽授副總兵武榜有狀元自來聘始

也姜名武傳

十四年諭各部臣特開奇謀異勇科詔下無應者選舉志

外夷會試

洪武三年詔高麗安南占城等國如有經明行脩之士各就本國鄉試貢赴京師會試不拘額數選取

洪武辛亥高麗國人入試者三金濤登三甲五名延安人授山東安丘縣丞歸爲其國相景泰甲戌進士黎庸交阯

清威人阮勤多翼人勤仕至工部左侍郎天順庚辰阮文

明會要卷四十七

三

英慈山人何廣扶甯人成化己丑王京嘉靖癸未陳儒俱交阯人儒仕至右都御史已上兪山集

科目雜錄

洪熙元年四月鄭府審理正俞廷輔言近年賓興之典士率記誦虛文求其實才十無二三或有年纔二十者未嘗學問一旦挂名科目而使之臨政治民職事廢墮民受其弊自今各處鄉試宜令有司先行審訪務得博古通今行止端重年過二十五者許令入試上雖嘉納而未果行通典

宜陽典史黃鉞建文元年舉湖廣鄉試明年賜進士泰和典史曹籛宣德八年會試中式廷試第一人刑部吏南昱

公陵驛丞鄭溫正統七年會試同中式

正統中讀卷戶部尙書徐晞戶部侍郎柰亨皆吏員天順
元年讀卷左都御史楊善係譯字生

已上龔山集

宏治中吏部侍郎王鏊爲制科議曰國家設科取士之法
先之經義以觀窮理之學次論表以觀博古之學終策問
以觀時務之學行之百五十年宜得其人超軼前代卒未
聞有如古之豪傑者出乎其間而文詞終有愧於古雖人
才高下係於時然亦科目之制爲之也三代取士之法姑
未暇論唐宋以來科有明經有進士明經卽今經義之謂
也進士則兼以詩賦當時二科並行而進士得人爲盛名

明倫彙編卷四十七

齒

臣將相皆是焉出明經雖近正而士之拙者則爲之謂之
學究詩賦雖近於浮豔然必博觀泛取出入經史百家蓋
非詩賦之得人而博古之爲益於治也至宋王安石爲相
黜詩賦崇經學科場以經義論策取士可謂一掃歷代之
陋然士專一經白首莫究其餘經史付之度外謂非已事
後安石言初意驅學究爲進士不意驅進士爲學究蓋安
石亦自愧悔之矣今科場雖兼策論而百年之間主司所
重士子所習惟在經義以爲經義旣通則策論可無俟乎
習夫古之通經者通其義焉耳今也割裂裝綴穿鑿支離
以希合主司之求窮年畢力莫有底止偶得科目棄如弁

肇始欲從事於學而精力竭矣人才之不如古其實由此然則進士之科可無易乎曰科不俟易也經義取士其學正矣所恨者其途稍狹不能盡天下之才耳愚欲於進士之外別立一科如前代制科之類必兼通諸經博洽子史詞賦乃得與焉有官無官皆得應之其甲授翰林次科道次部屬而有官者則遞升焉如此天下之士皆將奮志於學雖有官者亦翹翹然有興起之心無復專經之陋矣

黃尊素曰今天下取士悉由學校升貢宋則科舉學校絕不相關每秋試自縣令佐察行義保任之上於州州長貳復審察得實卽入試院其士子未嘗繫名學校其後三舍

法行是爲學校之科舉其不由學校而爲科舉者如故也今三年鄉試一省彙所屬郡邑而試之宋則諸州各自爲試各自發解與路分無與惟有官鑰廳應舉者及避嫌遠鄉之人試於轉運使反謂之別頭試今士人一經鄉舉則當會試之期徑偕計吏不復取解宋則有恩例始得免解或減一舉而已其下第進士雖會中省試來科仍復解試中格然後得上省試也今殿試不過名次升降無有黜落宋初於御試特重苟不中格則省試皆虛也所謂特奏名者凡士貢於鄉而屢黜於禮部或御試所不錄積前後舉數參其年而差等之遇親策士徑許赴試其薦舉者不試

於州郡惟試禮部不中亦許赴御試故有免解免省之條
今必層累而上更無越次而舉者宋必賜出身然後註官
今則一經解牒便可釋褐州縣宋之御試第一人不過僉
書判官第六人以下司戶簿尉而已今則第一甲三人卽
爲清要官最下者亦不失守令總而論之宋之出身易而
入官難今之出身難而入官易出身難故多枉才入官易
故多敗類此本朝之人物所以遠不及於宋也

已上
通典

萬厯十四年禮部尙書沈鯉疏近年以來科場文字漸趨
奇詭而坊間所刻及各處士子之所肄業者更多怪異不
經及今不爲嚴禁恐益灌漬人心浸尋世道爲害甚於異

明會要卷四十七

六

端臣等心竊憂之夫唐文初尙華靡而士趨浮薄宋文初
尙鉤棘而人習險譎國初舉業有用六經語者其後引左
傳國語矣又引史記漢書矣史漢窮而用六子六子窮而
用百家甚至佛經道藏摘而用之流弊安窮宏治正德嘉
靖初年中式文字純正典雅宜選其尤者刊布學宮以爲
準則非是不得錄取直省提學官各持一方文衡轉移士
習尤爲緊切今後請將解部考卷容臣等逐一閱驗咨送
吏部以爲提調學政官殿最從之

明臣
奏議

選舉二

任子

明初因前代任子之制文官一品至七品皆得廕一子以世其祿後乃漸為限制在京三品以上滿考著績方得請廕謂之官生出自特恩者不限官品謂之恩生或即與職事或送監讀書會典

明初品官之子必試其人而後得廕廕必從科舉而後授官厥後廕而獲舉復得以其次子補焉或以嫡子之子有

明會要卷四十八

一

補敘至曾元者

王圻通考

洪武十六年定職官子孫廕敘正一品子正五品用從一品子從五品用正二品子正六品用從二品子從六品用正三品子正七品用從三品子從七品用正四品子正八品用從四品子從八品用正五品子正九品用從五品子從九品用正六品子於未入流上等職內敘用從六品子於未入流中等職內敘用正從七品子於未入流下等職

內敘用

職官志

洪熙元年金忠子達年十歲授檢討還鄉支俸幼童廕官

自此始

正統二年檢討王仙會子旒乞恩入監惟令科第出身初
兵部員外郎俞英子端太醫院醫士王文子謙俱乞恩得
入監至是旒援以爲請許之

英宗命廕子入監十年以上准照歷事出身卽科舉中式
者會試下第仍須復監循次歷事出身

天順元年禮部復議在京三品以上官之子奏願入監讀
書者務從科目出身不許歷事上從之

已上王
圻通考

二年十二月廕祭酒李時勉一人入監舊例所無係特恩
成化八年五月令故官三品子孫當廕者入原籍儒學照
歲貢例送部考試入監

已上大
政記

明會要卷四十六

二

十六年定例凡文武官死於忠諫者一子入監其後守上
官死節皆得廕子

選舉
志

十八年正月命京官三品以上政績顯著者方許廕子入

監

明政
統宗

宏治二年南京吏部尙書王僉奏言先年兵部尙書余子
俊廕其姪寰吏部侍郎崔恭廕其姪柯左副都御史張瓚
廕其姪宸右副都御史孫仁廕其姪玟今臣例當廕子然
長子沂叨中進士次子洛年幼惟姪虞膳生澄粗已成材

乞送監讀書從之

王圻
通考

孝宗時廕子未仕亡歿許其補廕若應得廕子恩而身故

許其子孫自改其有子而願廢其兄弟者聽典

通典

正德五年甯夏平閣臣李東陽廢子尙寶司丞楊廷和廢子中書舍人邊功及內閣自茲始

王圻通考

八年定制補廢止許一人已補而又故者毋得再補

通典又

詔東宮侍班官三年者一子入監

選舉志

十五年廢大理寺卿陳恪子應期入監恪未經三年考滿

蓋異數也

王圻通考

嘉靖二年詔廢中官張欽義子李賢爲錦衣世襲指揮給事中許相卿言于謙子冕止錦衣千戶王守仁子正憲止錦衣百戶賢中官廝養反過之忠勳大臣裔曾不若近倖

明皇卷四十六

三

奴殉國勤事之臣誰不解體

野獲編

九年七月尙書屠勳子應填應俊俱廢入國學已而俱舉於鄉填上言乞以孫鉤補廢帝曰大臣子孫因仍冒廢原非國典今著爲令凡受廢子弟有由別途入官不得再補

明政統宗

黃綰承祖孔昭廢累官少詹事兼侍講學士以任子官翰

林前此未有也

黃綰傳

十二年以皇子生十八年以立東宮恩詔兩京文職三品

以上官未及三年考滿者廢一子入監

隆慶二年吏部奏原任左中允郭希賢以建言被刑乞廢

許其子郭禹臣送監讀書

已上王圻通考

四年梁儲有廕子次挹天死孫紋請補穆宗以年久不准且命自今禁絕著爲令高拱謂紋所請與濫乞者不同請

許紋而此後皆力禁上乃允之

通紀

凡儲闈輔導及死於王事不限官品皆得議廕

王圻通考

宏正以後大僚任子授各衙門幕職得遞升宗人府五都督經歷卽由五品升知府未有官卽署者隆慶間高拱掌銓建議以爲知府四品方面官大臣子弟可以執袴得之豈有不堪卽署之理且宗人五府經歷兩京止十二人缺少人多銓法壅滯宜一切疏通除吏禮兵外餘三部俱得

明會要卷四十八

四

遷轉待俸滿升知府如故事得旨允行

野獲編

五年詔凡以廕入監後中科目者仍令補廕又先由錄廕國子監後以軍功改授錦衣衛千百戶者許以嫡次子孫

補之

通典

萬厯六年立中宮王氏加恩閣臣呂調陽張四維俱廕一子中書舍人至七年張居正服闋廕一子尙寶司丞蓋異典也

十一年詔凡廕子未仕而故年遠親盡者毋得補廕

二十三年因兵部覆御史朱鳳翔奏奉旨于謙有安社稷之功原廕指揮同知著升都指揮使改註錦衣衛胡宗憲

原廕錦衣衛副千戶著升指揮僉事各世襲已上王圻通考

吏部尚書倪岳卒於宏治辛酉至萬厯甲辰已百餘年其曾孫翰儒以補廕請吏部覆疏雖有年遠親盡不許補廕之條但岳先朝名臣翰儒尙在君子五世之列此外不得

比例上允其請野獲編

世襲

洪武三年定武臣世襲之例王圻通考

軍功襲職子弟年二十者比試初試不中襲職署事食半

俸二年再試中者食全俸仍不中者充軍選舉志

永樂元年定軍功襲替例凡洪武以來軍職絕不論堂兄

明會要卷四十六

五

弟姪並襲

成化十七年以都御史何喬新言凡軍職絕非立功人子

孫不得襲

宏治十八年許立功人親姪已襲者得沿襲

正德十四年兵部尚書王瓊請堂兄弟姪並得襲

嘉靖十年兵部尚書王憲酌議立功人絕同時親弟姪得

襲其姪孫以下至堂兄弟姪等及沿襲後別無立功者不

許襲已上王圻通考

明初定例嫡子襲替長幼次及之絕者嫡子庶子孫次及

之又絕者以弟繼永樂後取官舍旗軍餘丁曾歷戰功者

令原帶俸及管事襲替悉因之其降級子孫仍替見降職
事宏治時令旁支減級承襲正德中令旁支入總旗嘉靖
間旁支無功者不得保送凡升職官舍如父職其陣亡保
襲者流官一等選舉志

掾吏

張度郎本中由吏員累官吏部尙書

李信由縣掾累官吏部尙書

徐輝由吏員累官戶部尙書

徐晞滕懋德由吏員累官兵部尙書

李友直由吏員累官刑部尙書

明會要卷四十八

六

胡禎由御史臺吏累官刑部尙書

李質萬祺由吏員累官工部尙書

汪河由省掾累官吏部侍郎

王春王鍾劉本道由吏員累官戶部侍郎

柰亨由吏員累官禮部侍郎

葉春劉敏王詔由掾吏累官刑部侍郎

楊時習汪懋由吏員累官大理寺卿

陳甯由府掾累官御史大夫

涂節由省掾累官御史中丞

黃政由邑吏累官僉都御史

平思由吏員累官陝西左參政

樂韶鳳由吏員累官祭酒

呂本由吏員累官太常卿

張苗由吏員累官通政使

赫郁由吏員累官光祿卿

已上通典土圻
通考弁山集

永樂七年六月丁卯召御史張循理等二十八人詢其出身有洪秉等四人皆吏也上曰用人雖不專一途然御史爲朝廷耳目之寄宜用有學識達治體者乃黜秉等爲序班詔自今御史勿復用吏

三編

正統時大理寺少卿張固劾都御史陳鎰等舉屬官出身

明會要卷四十八

七

掾吏者爲知府自是掾吏不得歷知府著爲例

太祖初設科舉嚴斥吏胥又詔凡選舉毋錄吏卒之徒然嘗與羣臣言初有憲官疾吏往候之憲官起扶杖而行因以杖授吏吏拱手卻立不受憲官悟其意他日見吏謝之吏曰某爲屬吏非公家僮不敢避勞慮傷理體是則吏卒中未嘗無正直之人顧上所以陶鎔成就之者何如爾成祖嘗言刀筆之吏不可使任風紀然如况鍾之守蘇州黃子威之守松江並治行超卓爲一時良二千石

已上
通典

銓選

進士爲一途舉貢等爲一途吏員等爲一途所謂三途並

用也京官六部主事、中書行人、評事、博士、外官知州、推官、知縣、由進士選。外官推官、知縣及學官、由舉人貢生選。京官五府六部首領官、通政司、太常、光祿寺、詹事府屬官、由官廩生選。州縣佐貳、都布按三司首領官、由監生選。外府外衛鹽運司首領官、中外雜職入流未入流官、由吏員承差等選。

選舉志

顧炎武曰：大明會典，洪武二十六年定。凡舉人出身第一甲第一名從六品，第二、第三名正七品，賜進士及第二甲從七品，賜進士出身；第三甲正八品，賜同進士出身；而一品衙門提控正七品出身，二品衙門都吏從

明會典卷四十八

八

七品出身，一品、二品衙門掾史，典吏、二品衙門令史，正八品出身，其與進士不甚相遠也。後乃立格以限其所至，而吏員之與科第高下天淵矣。故國初之制，謂之三途，並用薦舉一途也；進士、監生一途也；吏員一途也。或以科與貢爲二途，非也。

通典

選人之法，每年吏部六考六選，凡引選六類，選六遠方，選二聽選，及考定升降者，雙月大選，改授改降，丁憂候補者，單月急選，其揀選三歲一舉行，舉人乞恩歲貢就教無定

期

考選之例，優者授給事中，次者御史，又次者以部曹用，雖

臨時考試而先期有訪單出於九卿臺省諸臣之手往往據以爲高下京官非進士不得考選推知則舉貢皆行取

已上選舉志

洪武四年以詹同爲吏部尙書諭之曰吏部者衡鑑之司凡各衙門官吏給由到吏部限五日付勘完備以憑類選

銓注

世法錄

十年諭中書省臣曰凡職官聽選宜早與銓注卽令赴任聞淹滯在京者資用乏絕假貸於人使賢者喪其所守元之弊政此亦一端自今銓選之後以品爲差皆與道里費仍令有司給舟車送之

昭代典則

明會要卷四十六

九

十一年三月丁丑帝御奉天門選官諭吏部曰資格爲常流設耳有才能者當不次用之由是擢西安知府李文煥寶鈔提舉費震俱爲戶部侍郎餘超擢郎中知府知州等官凡九十五人

同上

十三年二月定南北更調用人北平山東山西陝西河南四川人於浙江江西湖廣直隸用之浙江江西湖廣直隸人於北平山東山西陝西河南四川廣東廣西福建用之廣東廣西福建人亦於山東山西陝西河南四川用之考覈不稱職及以事降謫者不分南北悉於廣東廣西福建

汀漳江西龍南安遠湖廣郴州之地選用

三編

宣德二年吏部上言自永樂十九年迄今遣回庶官四千三百餘人居鄉多不循分持官府短長請悉召至京考驗才能可用者以次銓敘否則罷爲民從之昭代典則

郭璉長吏部時政歸內閣自布政司至御史知縣皆令京官保舉左通政陳恭言古者擇任庶官悉由選部責任專

而事體一今朝臣各舉所知恐開私謁之門長奔競之風乞杜絕令歸一下吏部議璉遜謝不敢當事遂寢郭璉傳

八年十一月命內閣試吏部就選外官六十八人錄其優者知縣孔友諒等七人以備任用明政統宗

正統十一年御史黃裳言給事御史國初奏遷方面郡守

明會要卷四十六

十

近年方面郡守率由廷臣保陞給事御史以糾參爲職豈能無忤於一人乞敕吏部仍按例奏請除授帝是其言命

部議行選舉志

成化三年大學士商輅疏臣見吏員考滿冠帶聽選有經十二三年未得除授者中間多有衣食不給借貸於人將來授之以官何以責其廉介弗至侵漁於下哉又况累積愈多聽選愈久數年之後冗濫之弊有不可言當道慮其冗濫也於是多方裁損授職之後曾未幾時有以罷輒而去者有以老病而去者混及他途概加屏黜彼貪酷不才聲跡顯著者固無足怪矣若乃中人以下之資民情必久

而始熟政務必久而始諳雖欲假以歲月勉圖後效不可得矣夫欲流之清必先澹其源慮官之多而不慎選於出身之際徒裁損於任事之後非良法也乞敕該部今後吏員考滿仍照宣德正統年間事例而行則賢否不混而冗

濫可革

明臣奏議

給事中御史謂之科道官科五十員道百二十員明初至天順成化間進士舉貢監生皆得選補其遷擢者推官知縣而外或由學官其後監生及新科進士皆不得與或庶吉士改授或取內外科目出身三年考滿者考選內則兩京五部主事中行評博國子監博士助教等外則推官知

明會要卷四十八

十一

縣自推知入者謂之行取其有特薦則俸雖未滿亦得與

焉

選舉志

嘉靖中給事中辛自脩奏言吏部銓注遴才要矣量地尤急邇年京府屬吏以大計去者十之五豈畿輦下獨多不肖哉地艱而事猥也請量地劇易以除官量事繁簡以注考吏部善其言請令撫按舉劾如自脩議

辛自脩傳

七年給事中陸燾言資格獨重進士致貢舉無上進階州

縣教職過輕王官終身禁錮皆宜變通因陳久任使慎考

察諸事下部議行

陸燾傳

九年正月保定巡撫錢如京言京畿重地請悉銓進士爲

守令不宜濫授歲貢上曰前屢詔所司隨材任用但有治
行宜民者一體擢用蓋科貢乃國家取士正途不可偏有
所重茲所議似特重進士而視歲貢太輕令人何以自奮
宜申明前旨行

憲章錄

十一年吏部言頃奉三途並用明旨誠立賢無方之意第
撫按所薦進士十之七八舉人百之一二歲貢則絕不齒
及雖欲並用何由憑據請令撫按無問舉人歲貢拔其優
異者以薦本部覈實奏請報可

同上

文彬曰明初三途並用薦舉一途進士舉貢一途吏員
一途正統以後薦舉之途廢進士與舉貢遂分爲二途

明會要卷四十八

十一

然進士升於禮部爲高選而下第舉人與歲貢使肄業
國學以觀其成本非輕以待之也內而臺諫外而藩臬
由此遷擢者不少原與進士並重迨制科日盛內外要
重之司皆歸之而舉貢之在大學者循資待選年老始
博一官又積久不遷於是與進士判若天淵矣雖言者
屢請復三途並用之舊而卒不能行或謂大學之成材
者多錄於甲科而亦不盡然也總由監規旣隳作育無
法徒令以撥厯序銓而在監者自分遷擢無階頽惰荒
廢重以納粟例開致舉貢監生益形壅滯此所以積輕
而莫能挽也欲復三途並用之舊莫如整飭大學規制

罷捐例禁曠廢嚴勸懲教養之法具備始能儲才以資他日之用否則源之不清徒欲治其末流烏可得也

二十一年正月吏部尙書許讚條陳選法革奸弊十事

統宗

隆慶五年大學士高拱言國初舉人躋八座爲名臣者甚眾後乃進士偏重舉人甚輕至於今極矣請自授官以後惟考政績不問出身又於舉人就選之時必稽其年貌五十以上者授以推官不得爲州縣之長

明臣奏議

萬厯二十二年孫丕揚拜吏部尙書患中貴請謁乃劾爲掣籤法大選急選悉聽選人自掣請寄無所容銓政自是

明會要卷四十六

三

一變一時相傳以爲至公而于慎行議其於人材不分高下地方不論繁簡而一憑籤注無異於掩鏡索照其後有造籤之弊翟學程趙南星皆以爲非遂停抽籤之法至天啟末行人謂吏部爲籤部顧大韶作竹籤傳以譏之然自其法旣行卒莫能改

野獲編

給事中翁憲祥論掣籤法使盡付之無心則天官之職一吏可代苟爲不然則地本豫擬何必於大廷中爲掩飾之術請亟停罷時不能從

翁憲祥傳

崇禎三年御史王道純疏陳破資格之說言銓除舉劾考選甲乙科太低昂宜變通則賢才日廣帝命所司卽行而

乙科勢重卒不能返王道純傳

六年縣令將行取者詔戶部先覈其錢穀徵賦不及額不得考選給事中周瑞豹考選而後完賦帝怒貶謫之命如

瑞豹者悉以聞熊開元傳

十三年帝以考選止及進士特命舉人貢生就試教職者

悉用爲部寺司屬推官知縣凡二百六十三人號爲庚辰

特用王圻通考

時貨賂公行資格盡廢都給事中吳麟徵上言限年平配固銓政之弊然舍此無以待中才今遷轉如流不循資格巧者速化拙者積薪開奔競之門無益軍國之計帝深然

明會要卷四十六

古

之吳麟徵傳

武選

洪武五年正月戊辰定武選之法大政記

凡大選曰色目曰狀貌曰才行曰封贈曰襲膺其途有四

曰世職曰武舉曰行伍曰納級初武職率以勳舊後乃參

用將材選舉志

嘉靖六年十二月詹事霍韜言內外軍職職掌載有定額

今增至數倍錦衣官增至八倍乞敕兵部查覈其數洪武

中軍職子弟年至二十方許比試襲職初試不中者食半

俸再試不中者降充軍今悉賂權貴雖乳臭小兒無不中

者乞嚴納賄之禁舉比試之實成祖平交趾惟陞首功餘皆賞賚邇年奏帶及緝妖言捕盜者無不陞職乞汰冒濫以爲激勸於是命給事中夏言等察覈恩倖冗濫者裁汰以數千計

夢餘錄

萬厯十五年復詔嚴加察覈且嘗命提鎮科道會同兵部品年資課技藝序薦剡分爲三等名曰公選然徒飾虛名終鮮實效也

選舉志

二十三年兵部考選軍政上謂中有副千戶者不宜擅署四品職責部臣徇私兵科不糾發降武選郎韓范都給事中吳文梓雜職

馬經綸傳

明會要卷四十六

五

廷推

凡員缺應補不待滿者曰推陞內閣大學士吏部尙書由廷推或奉特旨侍郎以下及祭酒吏部會同三品以上廷推太常卿以下部推在外官惟督撫廷推九卿共之吏部主之布按員缺三品以上官會舉

景泰時兵部尙書于謙以病在告詔推一人協禮部事江淵心欲得之陳循等佯推淵而密令商輅草奏示以石兵江工四字淵在旁不知也比詔下調工部尙書石璞於兵部而以淵代璞

江淵傳

故事方面官敕三品京官保舉天順時大學士李賢患其

營競令吏部每缺舉二人請帝簡用並推之例始此

李賢傳

成化元年四月廷推兵部侍郎清理貼黃以岳正與給事中張甯名並上詔以爲私出正爲興化知府而甯亦補外

岳正傳

宏治五年正月湖廣巡撫徐恪中旨改南京工部侍郎恪

上疏曰大臣進用宜出廷推未聞有傳奉得者臣生平不

敢由他途進請賜罷黜帝慰留之

徐恪傳

嘉靖六年帝欲相張璁命廷臣舉素有才望者再推而璁不與會中官多譽翟鑾遂用之

三編

十四年八月帝與費宏論遼東兵變事上曰撫臣處置失

明會要卷四十六

六

當耳宏因言推舉巡撫內地者向由吏部會戶部邊方則會兵部恐不能盡得人材臣欲會九卿推之如京堂例上

曰善命著爲令

通紀

四十四年世宗眷侍直諸臣厚凡遷除皆出特旨李春芳

自學士至柄政凡六遷未嘗一由廷推

同上

萬曆十二年王錫爵入閣先是御史李植江東之與申時行相搆以錫爵負時望且素惡居正當與時行貳故力推

之比錫爵入閣乃與時行合弗善植等植由是大恨

三編

十九年申時行旣謝政密薦趙志皋張位自代遂用之吏部尙書陸光祖言舊制閣臣必由廷推若令一人密薦恐

開植黨之門志皋位因疏辭帝不允

同上

二十六年吏部尙書蔡國珍罷廷推代者七人李戴居末帝特擢用之當是時趙志皋沈一貫輔政雖不敢撓部權然大僚缺人九卿及科道掌印者咸得自舉聽上裁而吏部諸曹郎亦由九卿擢舉尙書不得自擇其屬

李戴傳

三十四年朱賡以老引疾閣中空無人帝諭簡閣臣而廷臣慮帝出中旨如往年趙志皋張位故事賡力疾請付廷

推朱賡

傳

熹宗卽位以孫如游入閣言者詆其不由廷推交章論列如游亦屢乞去熹宗勉留如游上疏言祖宗任用閣臣多

明實錄卷四十八

七

由特簡遠者無論在世廟則有張璉桂萼方獻夫夏言徐階袁煒嚴訥李春芳在穆廟則有陳以勤張居正趙貞吉在神廟則有許國趙志皋張位卽皇考之用朱國祚亦特簡也今陛下沖齡臣材品又非諸臣比有累至尊知人之明乞速賜骸骨歸田里至十四疏乃遣官護歸

如游傳

天啟三年廷推閣臣首列孫愼行盛以宏皆不用時魏忠賢用事謀結外廷諸臣顧秉謙魏廣微率先諂附忠賢乃

援之入閣

三編

五年輔臣缺詔推老成幹濟才禮部尙書周如磐以年老推用馮銓資淺年未及四十忠賢黨李魯生上言成卽爲

老而非必老乎年幹乃稱濟而卽有濟於國銓遂柄用上

崇禎元年詔會推閣臣廷臣列成基命及錢謙益等名上

禮部尙書溫體仁侍郎周延儒以無素望不與帝先屬意

延儒而會推弗及體仁揣帝意必疑遂上疏訐謙益帝怒

黜謙益盡罷會推者不用

三編周延儒傳

六年廷推閣臣王應熊以望輕不與溫體仁力援之入閣

命下朝野胥駭給事中章正宸劾之帝怒下正宸詔獄

三編

十五年廷推閣臣吏部尙書李日宣等以蔣德璟黃景昉

倪元璐劉宗周吳牲諸人名上帝令再推數人而房可壯

宋玫張三謨與焉大僚不獲推者爲流言入內帝深惑之

明會要卷四十八

六

尋下日宣等於獄

李日宣傳

是年熊開元言敵兵入口四十餘日未聞逮治一督撫帝

曰督撫初推人以爲賢數月後卽以爲不賢必欲去之而

後快邊方與內地不同使人何以展布開元言四方督撫

率自監司明日廷推今日傳單其人姓名不列至期吏部

出諸袖諸臣唯唯而已旣推後言官轉相採訪而其人伎

倆亦自露於數月間故人得而指之非初以爲賢繼以爲

不賢也

熊開元傳

行取

科道員缺考選推官知縣自推知入者謂之行取

京官非進士不得考選推知則舉貢皆行取然天下守令進士十三舉貢十七推知行取則進士十九舉貢纔十一

舉貢所得又大率有臺無省多南少北

已上選舉志

嘉靖十一年四月諭吏部用人兼取三途自進士外如有舉人歲貢才能卓異者皆行取以備科道官之選新進士授職者皆遵舊制習知民事俟有年勞始如例行取選用著爲令

通紀

初制急缺風憲不時行取神宗時定爲三年

選舉志

崇禎九年給事中姜採上書言天下三大病其一言舊制給事御史教官得爲之其後途稍隘而舉人推官知縣猶

明會要卷四十八

九

與其列今惟以進士選彼受任時先以給事御史自待監司郡守承奉不暇剝下虐民恣其所爲此行取考選之病也

姜採傳

明會要卷四十九

永新龍文彬纂

選舉三

徵辟

太祖下金陵辟儒士范祖幹葉儀克婺州召儒士許元胡翰等日講經史治道克處州徵耆儒宋濂劉基章溢葉琛至建康創禮賢館處之

選舉志

甲辰三月敕中書省臣自古帝王建邦設都必得賢士大夫相與周旋以成至治今土宇日廣文武並用卓犖奇偉之才世豈無之或隱於山林或藏於士伍非在上者開導

明會要卷四十九

一

引拔之則在下者無以自見自今有能上書陳言敷宣治道武略出眾者參軍及都督府具名以聞或不能文章許詣闕面陳其事吾將試之

昭代典則

吳元年十月甲辰遣起居注吳琳魏觀等以幣帛求遺賢於四方

洪武元年閏七月徵天下賢才爲守令

九月詔曰天下之治天下之賢共理之今賢才多隱巖穴豈有司失於敦勸與朝廷疎於禮待與抑朕寡昧不足致賢將在位者壅蔽使不上達與不然賢士大夫幼學壯行豈甘沒世而已哉天下甫定朕願與諸儒講明治道有能

輔朕濟民者有司禮遣已上本紀

十一月復遣魏觀及文原吉詹同吳輔趙壽等分行天下

訪求賢才昭代典則

六年罷科舉別令有司察舉賢才以德行為本文藝次之其目曰聰明正直曰賢良方正孝弟力田曰儒士曰孝廉曰秀才曰人才曰耆民皆禮送京師不次擢用而各省貢生亦由大學以進於是罷科舉者十年選舉志

十四年正月丙辰詔求隱逸八月丙子詔求明經老成乏

士本紀

十五年都御史趙仁言曩者以賢良方正孝弟力田諸科

明會要卷四十九

二

所取士列置郡縣多不舉職宜覈其去留開濟條議以經明行脩爲一科工習文詞爲一科通曉書義爲一科人品俊秀爲一科練達治理爲一科言有條理爲一科六科備者爲上三科以上爲中不及三科者爲下從之開濟傳

者儒 鮑恂余詮全思誠張長年以耆儒爲文華殿大學

士選舉志

劉埈關賢舉耆儒爲副都御史同上

何顯周洪武初舉耆儒十三年任四輔官弁山集

洪武末儀智舉耆儒授高密訓導本傳

儒士 洪武十三年九月置四輔官以儒士王本杜佑龔

敦爲春官杜敦趙民望吳源爲夏官俱兼太子賓客

綱目

宋訥徵儒士任祭酒

本傳

儒士張志源張宗德爲侍郎

選舉志本

吳沈以儒士舉授翰林院待制

本傳

李原名以通經儒士舉任禮部尙書

本傳

貝瓊以儒士舉除助教

宋訥傳

十五年四月癸卯以儒士吳頤爲國子監祭酒九月癸

亥以儒士王存中等五百三十一人爲按察司試僉事

十七年閏十月以儒士汪仲魯爲春坊司直郎

已上昭代典則

明會要卷四十九

三

張璠王廉舉儒士爲布政使

鄭孔麟王德常黃桐生以儒士爲參議

已上選舉志

楊訓文以儒士徵任戶部尙書

藍子貞張伯益以儒士爲副都御史

陳元以通經儒士爲僉都御史

歐陽性舉儒士任刑部侍郎

馮冕舉儒士任刑部尙書

王中立舉儒士任禮部侍郎

邢浩盧友諒齊瞻金良佐吳昭陳宗顏安處善徐子民

曹岱梁伯與彭友信李宜之以儒士舉俱爲布政使

謝冕舉儒士任大理寺丞

已上龔山集王圻考

賢良方正 費震洪武初以賢良徵任戶部尙書

本傳

洪武十四年五月以賢良方正何德忠爲河南左參議

蔣安素爲四川右參議

昭代典則

十五年劉仕頤應賢良舉對策稱旨授廣東按察司僉

事

本傳

蕭岐前因有司屢舉不赴洪武十七年詔徵賢良强起

之授潭王府長史

本傳

鄭公智以賢良舉爲御史

方孝孺傳

顏伯瑋建文元年以賢良徵授沛縣知縣

本傳

明會要卷四十九

四

李信圭洪熙時舉賢良授清河知縣

本傳

范希正宣德三年舉賢良方正授曹縣知縣

本傳

趙翥由訓導舉賢良擢贊善大夫拜工部尙書

本傳

郭有道舉賢良起家爲尙書

欒世英徐景昇李延中舉賢良爲布政使

余應舉馬衛許安范孟宗孫仲賢王福王清舉賢良爲

參議

薛正言張端舉賢良爲參政

已上選舉志

秀才 洪武元年牛諒舉秀才官至禮部尙書

崔亮傳

四年胡閏舉秀才入見授都督府都事

本傳

八年范敏舉秀才擢戶部郎中後授試尚書楊思義傳

戴莊舉秀才官至僉都御史

十五年八月丁酉擢秀才曾泰爲戶部尚書辛丑命徵

至秀才分六科試用紀本

是年詹徽舉秀才官至太子少保兼吏部尚書詹同傳

十七年十月丁亥以秀才宋矩等十七人爲監察御史

昭代典則

凌漢以秀才舉獻烏鵲論授官累官右都御史本傳

程本立舉明經秀才除秦府引禮舍人本傳

二十六年選秀才張宗濬等隨詹事府官分直文華殿

明會要卷四十九

侍太孫本紀

唐宗魯舉通經秀才任工部侍郎

馬守中以秀才舉官至僉都御史

曹九臯舉秀才任副都御史已上龔山巢王圻考

人才 張曷以人才累官戶部右侍郎本傳

向朴以人才召見知獻縣顏伯璋傳

郁新以人才徵授戶部主事累遷至本部右侍郎本傳

鄭沂舉稅戶人才爲禮部尚書

赫從道舉人才爲大理少卿已上選舉志

李敬臣張文昱舉人才任刑部侍郎

楊翼安李寅安信馮天孫王儁邊昇甄庸蔣廷瓚蘇瓚
李禎高甯舉人才任工部侍郎

封益朱從善傅鐸陳居敬舉人才任戶部侍郎

何禮董俊舉人才任兵部尙書

劉達舉人才任刑部尙書

吳景宏舉人才任禮部侍郎

湯有恭舉人才任右副都御史

王平嚴德明周璿戴瑀劉士英劉淪劉倫司中舉人才
爲僉都御史

湯仲行舉稅戶人才洪武二十七年任吏部侍郎

明會彙卷四十九

六

嚴良奇舉稅戶人才洪武三十年任刑部侍郎

潘長壽舉稅戶人才洪武三十年授僉都御史

李敏徐本舉人才官工部尙書

永樂中馬麟盛儀俞景周周克敬孫豫江潤艾瑛舉人

才俱爲布政使已上舟山
集王圻考

孝廉孝弟力
田附洪武十九年李德成舉孝廉累官陝西布

政使孝義
本傳

劉敏舉孝廉任刑部侍郎本傳

李好誠舉孝弟爲參政

李德舉孝廉爲府尹已上選
舉志

藺芳舉孝廉累遷刑部郎中永樂中出爲吉安知府本傳

洪武十四年聶士舉以孝弟力田薦爲四川左參政昭代

則典

李希明舉孝廉任江西參政

麥志德舉孝弟力田任工部尙書已上弁山集

文學 宋亮舉文學爲參政選舉志

范濟以文學舉爲廣信知府本傳

秦約以文學舉擢禮部侍郎曾魯傳

王克己阮峻杜澤舉文學任吏部尙書

郭允道舉文學任戶部尙書

明叟卷四十九

七

王起東易英舉文學任禮部侍郎

冀凱舉文學任工部侍郎

張經道舉文學試戶部侍郎

張紳舉文學任僉都御史

杜智舉文學任南京都御史已上弁山集王折考

聰明正直 洪武十四年七月金思存舉聰明正直爲北

平右參議昭代典則

周均德舉聰明正直任工部侍郎弁山集

張大亨舉聰明正直爲參議選舉志

蘇恭讓舉聰明正直任漢陽知府王宗顯傳

明經 洪武元年錢唐舉明經對策稱旨特授刑部尙書

傳本

張文通阮仲智舉明經爲僉都御史

選舉志

開濟以明經舉授河南府訓導累官刑部尙書

傳本

三年劉崧舉經明行脩召見奉天殿授兵部職方司郎

中累官吏部尙書

傳本

高翔以明經爲監察御史

胡閏傳

王度用明經薦爲監察御史

傳本

周是脩舉明經爲霍邱訓導

傳本

張統舉明經爲東宮侍書累遷試左通政

傳本

明會要卷四十九

八

十五年王伯貞以明經聘至京時應詔者五百餘人伯

貞對第一授試僉事

王直傳

二十一年李至剛舉明經授禮部郎中

傳本

鄒緝舉明經授星子教諭屢遷翰林侍講

傳本

朱同儲可求張智舉明經任禮部侍郎

鍾勛舉明經任兵部侍郎

余燠舉明經任吏部尙書

張謙和希文朱浚舉明經任刑部侍郎

楊松胡季安舉明經任祭酒

宋性舉明經由刑部主事署本部侍郎

程本立舉明經任僉都御史

已上
龔山
集王
圻考

楷書 周淵以能書舉洪武二十三年任御史

袁復洪武中以能書舉建文四年任大理少卿

金問以楷書薦永樂九年任南京禮部侍郎

沈度成祖初以能書舉入翰林官侍講學士

凌晏如以楷書薦授中書舍人宣德中任僉都御史

丁鐵舉楷書正統中任刑部左侍郎

趙榮舉楷書景泰中任工部尙書

張電嘉靖中以能書官禮部侍郎

談相嘉靖中以能書官工部侍郎

已上
龔山
集王
圻考

明會要卷四十九

九

童科

明不設童科間有以神童薦者召至親
試或留中講讀或遣歸就舉王圻考

程敏政十歲侍父信官四川巡撫羅綺以神童薦英宗

召試說之詔讀書翰林院官至禮部侍郎

本
傳

李東陽四歲能作徑尺書景帝召試之甚喜兩召講尙

書大義稱旨命入京學官至大學士

本
傳

楊一清以奇童薦爲翰林秀才憲宗命內閣擇師教之

官至大學士

本
傳

任道遜林章以幼童薦官至太常卿

朱奎以幼童薦官至大理卿

謝宇以幼童薦官至工部侍郎

已上
龔山
集王
圻考

徵辟雜錄

太祖渡江發書聘陳遇引伊呂諸葛為喻遇至與語大悅
留參密議太祖即位三授翰林學士辭乃賜肩輿一乘衛
士十人以示榮寵後授中書左丞以至禮部侍郎尚書皆
固辭自是不復強以官

陳遇傳

洪武二年徵處士陳謨詣京師賜坐議學學士宋濂待制
王禕請留為國學師謨引疾辭歸

陳謨傳

太祖召諸儒纂禮書以楊維禎前朝老文學遣翰林詹同
奉幣至門賜安車詣闕廷留百有十日所纂敘例略定即
乞骸骨帝成其志仍給安車還山

楊維禎傳

明會纂卷四十九

十

十二年十二月徵天下博學老成之士至京師
十五年九月吏部以經明行脩之士鄭韜等三千七百餘
人入見

十八年十二月丙午詔舉孝廉之士

已上大政記

十九年七月詔舉經明行脩練達時務之士

三編

建文初楊士奇以史才薦召入翰林充編纂官

本傳

成祖詔脩永樂大典召布衣陳濟為都總裁書成授右贊

善

陳濟傳

仁宗幸宏文閣問楊士奇今山林亦有名士乎士奇以布

衣陳繼對召為國子博士後遷檢討

同上

天順元年詔處士中有學貫天人材堪經濟隱居高蹈不求聞達者所司具實奏聞

通典

二年遣行人齎璽書加束帛徵江西處士吳與弼赴闕授左春坊左諭德與弼辭詔不許乃請以白衣就邸舍假讀祕閣書留京師二月以疾篤請李賢請即放還始終恩禮

以光曠舉帝然之賜敕及銀幣遣行人護歸

吳與弼傳

成化十九年召廣東舉人陳獻章至京令就試吏部屢辭不赴疏乞終養授翰林檢討以歸

陳獻章傳

宏治六年詔天下舉才德之士隱於山林者府尹唐恂以潘辰薦授翰林待詔自天順後漸拘資格編脩馬昇檢討

明會要卷四十九

士

傳宗不由科目李賢皆出之爲參議布衣無得預館閣者而辰獨以才望得之一時詫異數焉

陳濟傳

嘉靖中年生員文徵明儒士葉幼學皆以薦授翰林院待詔萬厯中湖廣舉人瞿九思亦授待詔

選舉志

萬厯十六年南昌知府范涑入覲薦鄧元錫劉元卿章潢於朝南京祭酒趙用賢亦請徵聘如吳與弼陳獻章故事得旨有司起送部試元錫固辭明年御史復以元錫元卿並薦且請倣祖宗徵辟故事無拘部試詔令有司問病痊可起送赴部竟不行蓋自吳與弼後元錫元卿潢並蒙薦

辟號江右四君子

鄧元錫傳時元卿授陞子監博士章潢遙授順天府訓導見選舉志

崇禎九年吏部復議舉孝廉言祖宗朝皆偶一行之未有定制今宜通行直省加意物色果有孝廉懷才抱德經明行脩之士由司道以達巡按覆覈疏論驗試錄用於時薦舉紛紛遍天下然皆授以殘破郡縣卒無大效

選舉志

保舉

洪武十三年四月己丑命羣臣各舉所知

十五年正月庚戌命天下朝覲官各舉所知一人

成祖卽位詔文臣五品以上及州縣官各舉所知非其人

者坐之

已上本紀

永樂九年十一月詔京官七品外官五品以上及知縣官

明會要卷四十九

七

各舉賢能廉幹一人由吏部考驗擢用所保非才舉主連

坐

昭代典則

仁宗初詔中外官舉賢才嚴舉主連坐法

宣宗初詔內外羣臣舉廉潔公正堪牧民者

已上本紀

宣德七年三月楊士奇請令廷臣三品以上及布按二司

各舉所知備方面郡守之選從之

三編

正統元年十一月詔京官三品以上舉堪任御史者四品

及侍從言官舉堪任知縣者各一人

同上

二年敕方面郡守缺令三品以上保舉擇用議者言專用

保舉恩出於下恐開私謁之門宜循洪武永樂初制歸吏

部選除大學士楊士奇言宣德七年以前布按二司及府州縣官多不得人是以宣宗皇帝敕令大臣保舉自茲以往多得其人間有一二非才亦緣舉主不察甚或徇私所司不行糾劾以致如此昔唐太宗力行仁義命在京三品以上官舉郡守縣令後來致天下斗米三錢之效但所舉之人後有犯贓必須明正舉主之罪則人知謹畏不敢濫舉官必得人矣詔仍如士奇言通紀

七年罷薦舉縣令之制

選舉志

十二年給事中余林言方面郡守有缺吏部當奏請上裁尙書王直等以方面郡守保舉升用者多稱職未可擅更

明會要卷四十九

三

詔從直等言仍採林疏許言官指劾通典

十三年御史涂謙復陳保薦得方面郡守輒改前操之弊請遵洪武舊制於內外九年考滿官內簡用或親擇朝臣有才望者詔可大臣舉官之例遂罷

景泰中復行保舉給事中林聰陳推舉驟遷之弊言今缺參政等官三十餘員請暫令三品以上官保舉自後惟布按兩司三品以上官連名共舉其餘悉付吏部詔並從之

已上選舉志

成化二年正月命三品以上京官薦舉堪任布按二司者

昭代典則

六年罷保舉方面之例有缺皆具聞推用

大政記

七年正月命京官五品以上及給事中御史各舉堪任州

縣者一人

本紀

宏治六年詔各撫按及布按二司遇府州縣才行俱優者無分舉貢吏員出身一體保舉五品以上果有才德出眾

者開報吏部奏請定奪

通典

十二年復詔部院大臣各舉方面郡守吏部因請依往年御史馬文升遷按察使屠瀟遷僉都御史之例超擢一二以示激勸而未經大臣薦舉者亦兼采之並從其議當是時孝宗銳意求治命吏兵二部每季開兩京府部堂上及

明會要卷四十九

四

文武方面官履歷具揭帖奏覽第兼保舉法行之不專恃以爲治也正德以後具帖之制漸廢

選舉志

嘉靖八年令兩京文職四品以上翰林院五品及在外三品以上官各舉堪任知府一人翰詹科道及在外五品以上各舉堪任知州知縣一人

實錄

四十四年詔各撫按於所屬中不論舉貢進士但有賢能

一體保舉

通典

崇禎十一年二月帝御經筵問保舉考選何者爲得人楊廷麟言保舉當嚴舉主如唐世濟王維章乃溫體仁王應熊所薦今二臣皆敗而舉主不問是連坐之法先不行於

大臣欲收保舉之效得乎

楊廷麟傳

卓異

正統十年大計天下羣吏始舉卓異之典松江知府趙豫

甯國知府袁旭趙城知縣楊瓚海豐知縣王懋吳縣知縣

葉錫慶雲典史趙亮皆與焉

趙豫并楊瓚傳

天順四年吏部舉天下治行卓異按察使惟劉孜一人遷

左布政使

劉孜傳

宏治十五年吏部舉天下治行卓異者六人浙江按察使

朱欽與焉

朱欽傳

正德初劉澐起金華知府舉治行卓異

本傳

明會要卷四十九

五

台州知府李光翰江西參議徐蕃同舉治行卓異

戴銑傳

江西右布政使張嶺舉治行卓異

左本傳

九年雲南按察使李充嗣舉治行卓異累遷右副都御史

巡撫河南

本傳

南昌知府李承勛舉治行卓異超遷浙江按察使

本傳

嘉靖二年江西副使周廣舉治行卓異擢福建按察使

本傳

山東副使王廷相舉治行卓異遷山東布政使

本傳

鞏昌知府朱裳舉治行卓異遷浙江副使

本傳

河南按察副使徐文華舉治行卓異入爲大理右少卿尋

轉左

本傳

台州知府羅僑舉卓異都御史姚鏞上書言宜顯加獎擢

乃擢廣東左參政本傳

十一年廣東布政使徐問以治行卓異拜右副都御史巡

撫貴州本傳

順德推官周怡舉卓異擢吏科給事中本傳

湖廣布政使林庭楫舉治行卓異擢右副都御史林澹傳

鳳陽知府劉安舉治行卓異賜正三品服本傳

平遠知縣王化舉卓異超擢廣東副使譚綸傳

萬厯初番禺知縣沈思孝舉卓異入為刑部主事本傳

崇禎二年青州知府汪喬年舉卓異遷登萊兵備副使後

明會要卷四十九

遷陝西右參政再舉卓異就遷按察使本傳

三年大名兵備副使盧象昇舉治行卓異遷按察使本傳

四年榆次知縣張任學舉治行卓異入為御史本傳

八年儀封知縣申佳允舉治行卓異擢吏部文選主事本傳

十年按察僉事湯開遠監安廬二郡軍巡撫史可法薦其

治行卓異進秩副使湯開遠傳

方岳貢為松江知府舉卓異者數矣因誣被逮一日帝晏

見輔臣問有一知府積俸十餘年屢舉卓異者誰也蔣德

璟以岳貢對詔復其官方岳貢傳

治劇

宣德五年帝以郡守多不稱職會蘇州等九府缺皆雄劇地命部院臣舉其屬之廉能者補之於是以前以况鍾知蘇州羅以禮知西安趙豫知松江莫愚知常州邵旻知武昌馬儀知杭州陳本深知吉安陳鼎知建昌何文淵知温州况傳

天順間鎮江知府林鶚以才任治劇調蘇州本傳

憲宗初邵武知府盛暉以任治劇調延平楊瑄傳

正德中河南知府伍文定以才任治劇調吉安本傳

嘉靖間祁州知州潘恩調繁鈞州周延傳

萬厯中朝城知縣楊天民調繁諸城本傳

明會彙卷四十九

七

臨漳知縣袁應泰調繁河內本傳

壽張知縣張慎言有能聲調繁曹縣本傳

東安知縣邱民仰調繁新城後累遷河間知府天津副使

永平右參政甯夏兵備民仰善理劇以故所移皆要地本傳

武康知縣周宗建調繁仁和本傳

確山知縣陳幼學調繁中牟本傳

天啟時崇明知縣熊開元調繁吳江熊開元傳

崇禎時虞城知縣宋玫以才調繁杞縣本傳

納貲

景泰元年戶部議令軍民輸納者給冠帶官吏罪廢者輸

草於邊得復職

編三

二年令民輸納者世襲武職

同

監生郭佑上書略言昨以

國用耗乏謀國大臣欲紓一時之急令民納粟者賜冠帶

今軍旅稍甯行之如故農工商販之徒不較賢愚惟財是

授驕親戚誇鄉里長非分之邪心賊污吏罷退爲民欲掩

閭黨之恥納粟納草冠帶而歸前以冒貨去職今以輸貨

得官何以禁貪殘重名爵况天下統一藏富在民未至大

不得已而舉措如此是以空乏啟寇心也

聊讓傳

四月給事中曹凱言近例輸豆四千石以上授指揮彼受

祿十餘年費已償矣復令之世襲是以生民膏血養無功

明倫彙編

卷四十九

子孫而被取息長無窮也有功者必相謂曰吾以捐軀獲

此彼以輸豆亦獲此是朝廷以我軀命等於荏菽其誰不

解體乞自今惟令帶俸不得任事傳襲文職則止原籍帶

俸帝以爲然命已授者如故未授者悉如凱議

曹凱傳

四年四月始令生員納粟爲國子生

編三

天順八年山東大飢巡撫牟俸乞開納粟例令胥吏得就

選富民授散官

牟俸傳

憲宗初納馬入監者至萬餘人御史高明請區別

高明傳

成化二年以荆襄用兵令生員納米百石以上入國子監

軍民納二百五十石爲正九品散官加五十石增二級至

正七品止

通紀

宏治五年十一月吏部尚書王恕奏永樂宣德正統間天下亦有災傷各邊亦有軍餉當時無捐粟例糧不聞不足軍民不聞因弊比年來一遇災歉輒行捐例人既以財進身欲其砥礪廉隅如循吏豈可得也帝卽命止之

昭代典則

正德二年八月己卯工部以接濟工程奏請令陰陽僧道醫官有缺許其生徒及仕宦子孫農民納銀送部免考授官其等有四軍民客商人等納銀許授七品以下散官榮其終身仍免雜徭其等有三民間子弟納銀許授都布按府州縣諸司承差知印吏役其等有八詔皆從之

通紀

明皇朝卷四十九

九

萬厯中序班劉文潤遷詹事府錄事大學士申時行劾文潤由輸粟進不當任清秩時殿閣中書無不以賞進者時行獨爭一錄事吏部尚書宋纁知其意五疏乞休

宋纁傳

王圻曰賞算入官昉於西漢謂任富可不貪也厥後邊費不足輸選成俗雖張釋之黃霸卜式司馬相如咸由是進不以爲諱然終西漢之世得人四五而已唐宋以來亦間行之大抵由軍興頓匱非得已也我朝宣德以前科貢之途入大學者猶須精擇至於景泰時始開生員納粟納馬人監之例然是時多不過八九百人已而從禮部侍郎姚夔議遂尼不行成化初復開納糧納草

納馬之例未久而止二十年山陝大飢民相食大臣以救荒無策不得已又令納粟入監限年餘卽止時入監者已至六七千人正德以後納銀之途益廣世宗入繼大統詔嚴止之嘉靖四年又復暫開近年太僕缺馬戶部缺邊費開例益濫市井恆人皆得借俊秀名目輸粟入監注選銓部者至數萬人先朝不獲已而行此例然必各提學官試其文理通者而後許之又各地方俱限以名數又年二十五以下者雖寄監不得食糧收撥近時此例均未申明其間英俊由此而擢名科第表樹勳猷夫豈無人然千百而什一耳

傳奉

明會要卷四十九

三

憲宗初卽位命中官傳旨用工人爲文思院副使自後相繼不絕一傳旨姓名至百十人謂之傳奉官文武僧道濫恩者以千數

編三

成化十九年十二月都給事中王瑞等言祖宗設官有定員初無倖進之路近始有納粟冠帶之制然止榮其身不任以職今倖門大開鬻販如市恩典內降遍及吏胥武階蔭襲下逮白丁或選期未至超越官資或外任雜流驟遷京職以至廝養賤夫市井童穉皆得攀援妄竊名器踰濫至此有識寒心伏覩英廟復辟景泰倖用者率皆罷斥陛

下臨御天順冒功者一切革除乞斷自宸衷悉皆斥汰以存國體御史張稷等亦言比來末流賤技妄廁公卿屠狗販繪濫居清要文職有未識一丁武階亦未挾一矢白徒驟貴間歲頻遷或父子並坐一堂或兄弟分踞各署甚有軍匠逃匿易姓進身官吏犯贓隱罪希寵一日而數十人得官一署而數百人寄俸自古以來有如是之政令否也帝得疏意頗動居三日貶李孜省凌中等四人秩奪黃謙錢通等九人官人心快之

王瑞傳

孝宗初卽位降黜傳奉官通政任傑侍郎蒯綱指揮僉事

王榮等二千餘人

三編

明會彙卷四十九

三

宏治七年太監李廣矯旨授傳奉官如成化間故事吏部尙書耿裕言先有詔文官不由臣部推舉傳乞除授者參送法司按治今御用監匠人李綸等以內降除用不信前詔不可不聽

耿裕傳

十二年給事中張宏至疏陳初政漸不克終八事其一言初汰傳奉官殆盡近匠官張廣甯等一傳至百二十餘人少卿李綸指揮張玘等再傳至一百八十餘人

張宏至傳

帝初卽位罷傳奉官尋從太監李興請中旨授工匠四人官已又傳陞通政司經歷沈祿爲參議嗣後傳奉漸多一月中陞授二百餘人兵部尙書馬文升言祖宗設武階以

待軍功非有臨戰斬獲不得輕授今傳奉指揮張玘輩特
書工耳歲有俸月有廩亦既可償其勞或優寵之賞以金
帛榮以冠帶足矣乃竟概銓武秩悉注錦衣準其龔替則
介胄之士衝冒矢石著績邊陲者陛下更何以待之倖門
一開恐不足爲天下勸不報三編

孝宗崩馬文升承遺詔請汰傳奉官七百六十三人命留
太僕寺少卿李綸等十七人餘盡汰之馬文升傳已而劉大夏
列上傳奉武臣當汰者六百八十三人報可大漢將軍薛
福敬等四十八人亦當奪官福敬等故不入侍以激帝怒
帝遽命復之劉大夏傳

明皇卷四十九

三

世宗卽位盡斥先朝傳奉官三百餘人已太監邱福潘傑
等死詔官其弟姪錦衣司禮太監張欽死以其家人李賢
承蔭賢死復欲官其子儒兵部尙書金獻民先後執奏皆
不聽未幾錦衣千戶李全王邦奇等以冒濫汰去奏辨不
已帝竟授全等試百戶同時復官者九十餘人獻民固爭
不聽金獻民傳

方技

翰林應奉郭傳王蒙傳太子少師姚廣孝左布政使吳印華
克勤俱以僧

禮部尙書蔣守約李希安崔志端工部尙書陳道瀛徐可

成禮部左侍郎丁永忠金贊仁師宗記以太常神樂觀道士

南副都御史吳訥禮部尚書許紳禮部左侍郎蔣宗武通政使施欽仲蘭李宗周張鑾徐偉俱以醫

太常卿顧班以巫

兵部尚書金忠以下

太常寺丞袁珙子尚寶司少卿忠徹俱以相

禮部尚書邵元節陶仲文禮部左侍郎李孜省太常寺卿

鄧常恩趙玉芝凌中以方術

工部尚書徐杲左侍郎蒯義右侍郎蒯綱蔡信郭文英俱

明會要卷四十九

以木工

工部左侍郎陸祥以石工已上弁山集王圻考

嘉靖中工匠趙奎五十四人以中官請悉授職胡世甯傳

明會要卷四十九終

